



Broj: UP09-07-1-876/15
Sarajevo, 14.07.2015. godine

Ministarstvo pravde Bosne i Hercegovine, rješavajući Zahtjev osnivača Udruženja režiserki i režisera u BiH iz Sarajeva, ulica Obala Kulina bana broj 11, za upis u Registar udruženja, na osnovu člana 34. stav 1. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11) i člana 4. stav 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

RJEŠENJE

Odbacuje se zahtjev osnivača Udruženja režiserki i režisera u BiH iz Sarajeva, ulica Obala Kulina bana broj 11, od 24.04.2015. godine, za upis u Registar udruženja, kod Ministarstva pravde Bosne i Hercegovine.

Obrazloženje

Osnivači Udruženja režiserki i režisera u BiH iz Sarajeva, ulica Obala Kulina bana broj 11, podnijeli su 24.04.2015. godine, zahtjev za upis u Registar udruženja, kod Ministarstva pravde Bosne i Hercegovine, na osnovu Zakona o udruženjima i fondacijama Bosne i Hercegovine.

Uvidom u priloženu dokumentaciju, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis u Registar udruženja.

Ministarstvo je aktom Broj: UP09-07-1-876/15 od 19.05.2015. godine zatražilo ispravku i dopunu zahtjeva, te je podnosilac zahtjeva pozvan da izmjeni i dopuni zahtjev, u roku od 30 dana od dana prijema akta, jer će u protivnom Ministarstvo, u skladu sa članom 34. stav 1. Zakona o udruženjima i fondacijama Bosne i Hercegovine, rješenjem odbaciti zahtjev za upis u Registar udruženja.

Podnosilac zahtjeva je podneskom od 22.06.2015. godine dostavio: Zapisnik sa Osnivačke Skupštine Udruženja režiserki i režisera u BiH Broj: 05/15 od 17.02.2015. godine; Odluku o osnivanju Udruženja režiserki i režisera u BiH Broj: 02/2015 od 17.02.2015. godine; Statut Udruženja režiserki i režisera u BiH Broj: 01/15 od 17.02.2015. godine u dva primjerka; Odluku o imenovanju organa Udruženja Broj: 04/15 od 17.02.2015. godine i Odluku o imenovanju osoba ovlaštenih za zastupanje i predstavljanje Udruženja u pravnom prometu Broj: 03/15 od 17.02.2015. godine.

Uvidom u dostavljene akte, utvrđeno je da podnosilac zahtjeva nije u cijelosti postupio prema Obavještenju Ministarstva Broj: UP09-07-1-876/15 od 19.05.2015. godine.

Zapisnik sa sjednice Skupštine Udruženja Broj: 05/15 od 17.02.2015. godine, nije uređen kako je navedeno u t. 6. Obavještenja, jer se iz Dnevnog reda istog ne može utvrditi da je Osnivačka Skupština usvojila Odluku o osnivanju Udruženja, u skladu sa članom 10. Zakona, kojim je propisana odredba: da bi udruženje steklo uslove za registraciju, Osnivačka Skupština udruženja ima obavezu da donese osnivački akt, statut udruženja i imenuje organe upravljanja. Statut Udruženja Broj: 01/15 od 17.02.2015. godine, nije izmijenjen i dopunjen, kako je navedeno u t. 3. Obavještenja: u članu 1. alineja l) nije u skladu sa članom 12. t. j) Zakona u vezi spajanja i podjele Udruženja; član 7. nije u skladu sa članom 12. t. b) Zakona, i isti ne sadrži ciljeve i djelatnosti Udruženja, u skladu sa članom 12. t. b) Zakona, i isti nisu identični ciljevima i djelatnostima Udruženja navedenim u Odluci o osnivanju i Obrascu 1-Zahtjev za upis u Registar udruženja; u članu 18. Statuta nisu propisane nadležnosti Skupštine Udruženja u vezi odlučivanja o spajanju, podjeli i prestanku rada Udruženja, kao i drugih statusnih promjena, zatim imenovanja i razrješenja članova Upravnog odbora, predsjednika Skupštine Udruženja i lica ovlaštenog za zastupanje Udruženja, kao i usvajanja izvještaja koje je pripremio Upravni odbor, u skladu sa članom 18. t. d) Zakona; član 19. st. 4. Statuta, koji glasi: „Godišnju Skupštinu saziva 10 (deset) dana prije održavanja predsjednik/ca Udruženja na temelju odluke Upravnog odbora.“, je u suprotnosti sa članom 25. st. 1. Statuta, kojim je propisano da predsjednik Skupštine Udruženja saziva sjednice Skupštine


Udruženja; u članu 21. nije propisan kvorum potreban za rad Skupštine Udruženja, u skladu sa članom 12. t. d) Zakona. Dalje, u članu 26. Statuta nije propisana nadležnost predsjednika Skupštine Udruženja glede potpisivanja odluka i akata koje je donijela Skupština Udruženja; član 28. nije potpun jer nisu propisane nadležnosti Upravnog odbora Udruženja glede pripremanja sjednica Skupštine Udruženja, provođenja politike, zaključaka i drugih odluka koje je donijela Skupština i upravljanja imovinom Udruženja, u skladu sa članom 19. t. a) c) i d) Zakona; u članu 30. nije propisan kvorum potreban za rad Upravnog odbora, u skladu sa članom 12. t. d) Zakona, kao i u članu 35. koji se odnosi na Etički sud, a u skladu sa članom 12. t. d) Zakona; u članu 43. nije propisana nadležnost sekretara/ice Udruženja glede zastupanja Udruženja u pravnom prometu, iako je u poglavlju IX. Statuta-PREDSTAVLJANJE I ZASTUPANJE UDRUŽENJA, u članu 48. propisano da uz predsjednika/cu Upravnog odbora Udruženja, Udruženje zastupa i sekretar Udruženja. Isti kao zastupnik Udruženja nije naveden u Obrazcu 1-Zahtjev za upis u Registar udruženja, rubrici: osobe ovlaštene za zastupanje Udruženja; u članu 49. st. 2. Statuta, naziv Udruženja u tekstu pečata nije identičan nazivu Udruženja navedenom u članu 3. st. 1. Statuta; u članu 53. nije razrađena materija o prihodima Udruženja, propisana odredbom člana 46. Zakona. Također, u Statutu nisu razrađena pravila za ostvarivanje, korištenje i raspolaganjem sredstvima Udruženja, organ koji je ovlašten za nadzor nad korištenjem tih sredstava; način podnošenja finansijskog izvještaja i izvještaja o radu; dužnost Udruženja da vodi poslovne knjige i podnosi finansijske izvještaje, u skladu sa propisima kojima se uređuje računovodstvo neprofitnih organizacija, kao i uslovi i postupak za spajanje, podjelu odnosno prestanak rada Udruženja, uključujući i bilo kakav poseban kvorum ili pravila za postizanje kvalifikovane većine u postupku glasanja, u skladu članom 12. t. e), e1) i j), članom 14. st. 1. i članom 47. st. 1. Zakona. U dostavljenoj Odluci o imenovanju organa Udruženja Broj: 04/15 od 17.02.2015. godine, u članu 3. t. 2. u kojoj je imenovana zamjenica predsjednika Upravnog odbora Udruženja, nije u skladu sa članom 27. st. 2. Statuta Udruženja Broj: 01/15 od 17.02.2015. godine, kojim je propisano da zamjenika/cu predsjednika/ce bira Upravni odbor između svojih članova/ica prilikom konstituiranja.

Iz prednjeg proizilazi da podnosilac zahtjeva nije u cjelosti postupio prema Obavještenju Ministarstva Broj: UP09-07-1-876/15 od 19.05.2015. godine, te da su ispunjeni uslovi iz člana 34. stav 1. Zakona o udruženjima i fondacijama Bosne i Hercegovine i člana 4. stav 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija, na osnovu čega je odlučeno kao u dispozitivu Rješenja.

Na ovo Rješenje naplaćena je administrativna taksa u iznosu od 200,00 KM, za upis u Registar udruženja ovog Ministarstva, u skladu sa članom 33. stav 2a. navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor, tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Osnivačima Udruženja režiserki i režisera u BiH;
Ulica Obala Kulina bana broj 11;
71 000 Sarajevo;
- Zbirka isprava.